


SU CANE



su canile




Si cherides chi su cane istet sanu e contentu, amaniade-li un'aggorru bene fatu: su canile. Cando lu leades a passizu, si timides chi si nche fuat o chi podat mosser a calicunu, ponide-li su presorzu o su brunchile.

A sos canes lis aggradat meda sa peta crua (de boe, de caddu) segada a cantigheddos. Si non tenides tempus de li comporare peta, dade-lis a mandigare finas alimentos in bote (galletas o buconeddos) o pische sena ispinas.

Unu cane mannu podet mandigare a sa die unos 350 gramos de peta de boe, unos 200 gramos de matimene, 150 gramos de pasta o rosu, 50 gramos de frùtora. Su cane biet petzi aba.

sa collana



su brunchile

su presorzu



s'ossu



SU BARVONEDDU



su màndigu
sa discu

A su cane l'aggradat a zogare mossende ossos de boe. Si ingurrit ossos de pudda, de berveghe, de canillu, b'at perigulu chi s'istampet s'istòmagu.

SU COCKER



SU DÀLMATA

B'at canes de medas razzas, pro acumentare o fagher cumpanzia a onzi casta de mere.






SU BASSOTU



SU BOXER

Totus narant chi su cane est su mezu amigu de s'òmine e est beru: tentat sa domo, azuat sos turpos in su caminu, faghet cumpanzia a minores e a mannos. E si est bene imparadu dae minore, bos faghet su piaghene de bos porrire su zornale.



A su cane l'aggradat meda a lu leare a passizu a pee, ma... finas in màchina. ¡E cantu s'ispàssiat a bogare sa conca dae sa bentanedda, cun sa limba isorta in su bentu!

Si li cherides bene, bos at a istimare meda finas issu e bos at a azuare in totu. Ma no li pretendedas chi abarret semper ischidu pro bos fagher cumpanzia o pro zogare cun bois. Isse puru tenet bisonzu de si pasare.

Tando, dassade-lu dromire cando nde tenet gana e no nche l'ischidedas, ca si nono... si podet finas inchiatare.

Ma ¿ite s'at a esser bisende in su sonnu?
De seguru... un'OSSU.





Su cane est un'animale abistu meda:
dat cara a sas berveghe...

...e azuat su cassadore.